

ekonomskoj, kulturnoj i drugoj osnovi od zajedničkog interesa ovih lokalnih zajednica.

Član 2.

Saradnja iz člana 1. ove Odluke odvijat će se u skladu sa zaključenim sporazumom o međuopćinskoj saradnji između Općine Novi Grad Sarajevo i Opštine Novi Grad, u kojem će biti konkretizovani oblici i način ostvarivanja međusobne saradnje.

Član 3.

Ovlašćuje se općinski načelnik da u ime Općine Novi Grad Sarajevo zaključi i potpiše sporazum iz prethodnog člana.

Član 4.

Ova Odluka stupa na snagu narednog dana od objavljivanja na oglasnoj tabli Općine, a objavit će se i u "Službenim novinama Kantona Sarajevo".

Broj 01-02-10406/10
31. maja 2010. godine
Sarajevo

Predsjedavajući
Općinskog vijeća
Aner Šuman, s. r.

Odluka objavljena na oglasnoj tabli Općine 4. 6. 2010. godine.

Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 37. Statuta Općine Novi Grad Sarajevo ("Službene novine Kantona Sarajevo", broj 30/09 - Novi prečišćeni tekst), Načelnik Općine Novi Grad Sarajevo, 1. juna 2010. godine, verifikovao je

ODLUKU

**O KOREKCIJI IZMJENA I DOPUNA REGULACIONOG
PLANA "OTOKA - MEANDAR" - "NADBISKUPIJSKI
CENTAR ZA PASTORAL MLADIH IVAN PAVAO II"**

Član 1.

Usvaja se korekcija Izmjena i dopuna Regulacionog plana "Otoka - Meandar" - objekat društvene infrastrukture "Nadbiskupijski centar za pastoral mladih Ivan Pavao II", (u daljnjem tekstu: korekcija Plana) "Službene novine Grada Sarajeva", broj 26/08".

Član 2.

Korekcija se odnosi na lokalitet objekta društvene infrastrukture "Nadbiskupijski centar za pastoral mladih Ivan Pavao II", koji se nalazi na zemljištu označenom kao k.č. 948/1, 948/2, 949/1, 949/2, 950/1, 950/2 i 950/3 K.O. Novo Sarajevo III (novi premjer), a za koji se traži povećanje horizontalnog i vertikalnog gabarita u odnosu na Plan, te formiranje priključka za planirani objekat, u već formiranom čvoru na VII transferzali, sa

potrebnom signalizacijom, koji vodi na parking ispred objekta. Korekcijom se mijenja Planom utvrđena regulaciona i građevinska linija i pripadajuća parcela Nadbiskupijskog centra za pastoral mladih Ivan Pavao II".

Površina pripadajuće parcele objekta uvećana je za parcelu na zemljištu označenom kao k.č. 950/2 i 950/3 K.O. Novo Sarajevo III (novi premjer), za što je dobivena potrebna saglasnost Općine Novi Grad Sarajevo (vaš akt br. 06-23-133259/08 od 17.02.2009.), i iznosi 2.716 m².

Zadržava se postojeći objekat uz ulicu Gatačka, spratnosti P+I+M, tlocrtne površine 90 m² i BGP 225 m².

Planirana spratnost novoplaniranog objekta Nadbiskupijskog centra kaskadno prati nagib terena od S5+S4 uz VII transferzalu do S3+S2+S1+P+I+Pot, uz ulicu Gatačka.

Tlocrtna površina novoplaniranog objekta je 976,5 m².

BGP novoplaniranog objekta je 3.300 m².

Ukupna tlocrtna površina objekata na parceli je 1.066,5 m²

Ukupna BGP objekata na parceli je 3.525 m²

Koeficijent izgrađenosti je 1,3.

Procenat izgrađenosti je 39,3 %.

Član 3.

Korekcija Plana sastoji se iz tekstualnog dijela i grafičkog priloga br. 8 "Urbanistički koncept" u mj. 1:1000). Tekstualni dio i grafički prilog korekcije Plana su sastavni dio Izmjena i dopuna Regulacionog plana "Otoka - Meandar" ("Službene novine Kantona Sarajevo", broj 26/08).

Član 4.

Korekcija Plana je radena za faze urbanizma i saobraćaja, a obaveza Investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Izmjena i dopuna regulacionog plana "Otoka - Meandar", te pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo, Gradske uprave Grada Sarajeva, Ministarstva saobraćaja Kantona Sarajevo i Ministarstva prostornog uređenja i zaštite okoliša Kantona Sarajevo.

Član 6.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-23-4516/10
1. juna 2010. godine
Sarajevo

Načelnik Općine
Novi Grad Sarajevo
Damir Hadžić, s. r.

